

Mulawuri wa Oakbay a gweviwa 10 wa malembe mo khotsiwa hi ku kongoma

Tshwane, 8 N'wendzamhala 2021 – Khomixinara wa Vukorhokeri bya Xibalo bya Afrika-Dzonga (SARS), Tatana Edward Kieswetter, u amukerile xigwevo xa 10 wa malembe lexi vekiweke eka Mulawuri wa Oakbay Trading, Ttn DP Naik. Ttn Naik u gweveriwile vukungundwana na ku tlula Nawu wa Khasitomo na Ekisayizi endzhaku ko vunwahata switsariwa swa mirhumelo ya tinhundzu ematikweni mambe no vuyisela endhaku tisigarete eka makete wa le Afrika-Dzonga handle ko hakela ekisayizi na mixakaswibalo eka mitundzo na mirhumelo ya xibalo ematikweni mambe.

Ttn Naik u vurile leswaku khamphani yi rhumerile tisigarete eZambia. Mirhumelo leyi ya tinhundzu ematikweni mambe yi lavisisiwile no kumeka yi ri mirhumelo ya tinhundzu ematikweni mambe ya vuxisi. Nandzu lowu wu endliwile ku papalata mixakaswibalo na ekisayizi leswi faneleke ku hakeriwa eka tisigarete.

U voniwile nandzu eka milandzu ya ntlhanu ya vukungundwana na wo tlula xiyenge xa 80 (1) xa Nawu wa Khasitomo na Ekisayizi. Hi ku ya hi vumbhoni lebyi nyiketiweke eKhoto ya Xifunda ya Johannesburg, ntsengo wa nandzu eka SARS i R18-million.

Ttn Kieswetter u ndhundzhuzerile xipano xa vulavisisi na ntirhisano wa Xiyenge xa Vuchuchisi xa Rixaka (NPA) eku voneni ka milandzu no gweviwa.

"SARS yi vurile hi ku vuyelela leswaku nhlango wu ta endla swi nonoha no durha eka vahakelaxibalo na vaxavisi lava tshovaka nawu hi vomu no nyaja xileriso xa SARS xo hlengela mali ya tiko.

"Hi tinyiketerile ku pfuna vahakelaxibalo na vaxavisi valavo, lava lavaka ku landzelerisa hi ntsakelo hi swiboho swa vona swa xinawu. Tichanele to hlaya ta xidijiti ti tumbuluxiwile eka malembe lama nga hundza ku endla swi olova no vevuka eka vahakelaxibalo valavo ku landzelerisa.

"Ku voniwa nandzu no gweviwa swi fanele swi rhumela xikoweto xo vonaka xa leswaku SARS yi na nkondzelelo wa ziro eka mukhuva wolowo wa vugevenga naswona yi ta tirhisa matshalatshala hinkwawo lama yi nga na wona ku lwisana na swigevenga leswi," ku vurile Ttn Kieswetter.

Mayelana na vuxokoxoko, tihlanganise na SarsMedia@sars.gov.za